




Evar Saar

POISKÕISI NUMBRILAUL



ÜTS, ÜTS, ÜTS.
MILLE ÜTSINDÄ KENNIL OM KAPTÕNIMÜTS?
ÜTS, ÜTS, ÜTS.

KATS, KATS, KATS.
KAS KUU INNE JÕULÕ SA OLÕT HÄÄ LATS?
KATS, KATS, KATS.

KOLM, KOLM, KOLM.
MITU MIITRET SA HÜPSIT, KU KATSKI LÄTS KULM?
KOLM, KOLM, KOLM.

NELI, NELI, NELI.
MITU HÄIERMÄLEHTE HOIT TERVE TSIRELI?
NELI, NELI, NELI.

VIIS, VIIS, VIIS.
MIS SU PÄÄN NAKKAS KOITMA,
KU RANNAN OM BRIIS?
VIIS, VIIS, VIIS.

KUUS, KUUS, KUUS.
MIS SU TII PÄÄLE JÄIE, KU PURUS LÄTS SUUS?
KUUS, KUUS, KUUS.

SÄIDSE, SÄIDSE, SÄIDSE.
MITU POISKÕIST ES TUUKI ÕPSILÕ HÄIDSEND?
SÄIDSE, SÄIDSE, SÄIDSE.

KATÕSA, KATÕSA, KATÕSA.
MITU PÜTTÄ OM AUTUL, MIS SÕIT ÜLE KATÕSAA?
KATÕSA, KATÕSA, KATÕSA.

ÜTESÄ, ÜTESÄ, ÜTESÄ.
MA TÄÄMBÄ ES JULGU' VIIL IMÄLE ÜTELDÄ',
ÜTESÄ, ÜTESÄ, ÜTESÄ.

KÜMME, KÜMME, KÜMME.
KU AIGU SAA, SÕS ÜTLE HUMMÕN.
KÜMME, KÜMME, KÜMME.
HUMMÕN, HUMMÕN, HUMMÕN!

